

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ**

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲԲԱ-ԼՕ-2019/89, 12.11.2019թ.

Բողոք բերող անձ՝ «Հատուկէներգամոնտաժ» ՍՊԸ

Պատվիրատու՝ «ՀԱԷԿ» ՓԲԸ

Գնման ընթացակարգի ծածկագիրը՝ «ՀԱԷԿ-ԲՄԱՇՁԲ-1/19» ծածկագրով բաց մրցույթ

Գնման առարկան՝ Կոնտեյներների ժամանակավոր պահման հարթակի (հատուկ մասնաշենքի տանիք) վերանորոգման աշխատանքների ձեռքբերում

Բողոքի պահանջը՝ Պարտավորեցնել «ՀԱԷԿ-ԲՄԱՇՁԲ-1/19» ծածկագրով գնահատող հանձնաժողովին դադարեցնել 04.11.2019թ.-ի թիվ 3.1 արձանագրության 7-րդ կետը և ընդունել «Հատուկէներգամոնտաժ» ՍՊԸ-ի և «ԻնտերԴորՍերվիս» ՍՊԸ-ի (համատեղ գործունեության պայմանագիր) հայտը բավարար գնահատելու և ընտրված մասնակից հայտարարելու մասին որոշում

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ. ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ԳՆՈՒՄՆԵՐԻ ՀԵՏ ԿԱՊԿԱԾ ԲՈՂՈՔՆԵՐ
ՔՆՆՈՂ ԱՆՁԻՆ

ԲՈՂՈՔ ԲԵՐՈՂ

«ՀԱՏՈՒԿԷՆՆԵՐԳԱՄՈՆՏԱԺ» ՍՊԸ
(հասցե՝ Արմազիրի մարզ, ք. Մեծամոր,
«ՀԱԷԿ»-ի վարչական շենք 217 սենյակ,
ՀՎՀՀ 04408918)

ՆԵՐԿԱՅԱՑՈՒՑԻՉ

ԳՈՂ ԳՐԻԳՈՐԻ ԳՐԻԳՈՐՅԱՆ
(հաշվառման հասցե՝ ք. Երևան,
Եղիազարյան փողոց, 28 տուն, ծանուցման
հասցե՝ ք. Երևան, Արշակունյաց 2, 430,
նույնականացման քարտ՝ 009115015,
տրված՝ 18.12.2017թ. 013-ի կողմից,
փաստաբանական գործունեության
արտոնագիր՝ 1898 հեռ. 077 10-50-66, էլ.
փոստ՝ grigoryangor@mail.ru)

ՊԱՏԿԻՐԱՏՈՒ

«ՀԱԷԿ» ՓԲԸ
(հասցե՝ Արմավիրի մարզ, ք. Մեծամոր)

ԳՆԱՄԱՆ ԱՌԱՐԿԱՆ

«ՀԱԷԿ» ՓԲԸ-Ի ԿՈՆՏԵՑՆԵՐՆԵՐԻ
ԺԱՄԱՆԱԿԱՎՈՐ ՊԱՀՊԱՆՄԱՆ ՀԱՌԹԱԿԻ
(ՀԱՏՈՒԿ ՄԱՍՆԱՇԵՆՔԻ ՏԱՆԻՔ)
ԿԵՐԱՆՈՐՈՂՈՒՄՆ ԱՇԽԱՏԱՆՔՆԵՐԻ
ՁԵՌՔԲԵՐՈՒՄ

ԸՆԹԱՑԱԿԱՐԳԻ ԾԱԾԿԱԳԻՐԸ

«ՀԱԷԿ-ԲՄԱՇՁԲ-1/19»

ԲՈՂՈՔ

1. ԳՈՐԾԻ ՆԱԽԱՊԱՏՈՒԹՅՈՒՆԸ ԵՎ ՓԱՍՏԵՐԸ:

«Հատուկէներգամոնտաժ» ՍՊԸ և «ԻնտերՂորՍերվիս» ՍՊԸ կոնսորցիումը (այսուհետ՝
Կոնսորցիում) ի թիվս այլ մասնակիցների մասնակցության հայտ է ներկայացրել «ՀԱԷԿ»
ՓԲԸ-ի կողմից հայտարարված «ՀԱԷԿ-ԲՄԱՇՁԲ-1/19» ծածկագրով ընթացակարգին:

Գնահատող հանձնաժողովը, հաշվի առնելով այն հանգամանքը, որ
«Հատուկէներգամոնտաժ» ՍՊԸ-ն ընթացիկ տարվա ընթացքում ոչ ռեզիդենտ
կազմակերպության հետ կոնսորցիումով հանդես է գալիս մեկից ավելի անգամներ,
11.09.2019 թիվ 2 արձանագրությամբ որոշել է դիմել ՀՀ ֆինանսների նախարարություն
պարզաբանում ստանալու համար:

Գնահատող հանձնաժողովի 25.09.2019թ-ի թիվ 2.1 արձանագրության 5-րդ կետով Կոնսորցիումի հայտը գնահատվել է բավարար:

Նույն արձանագրության 7-րդ կետով կոնսորցիումը ճանաչվել է առաջին տեղ զբաղեցրած մասնակից:

Գնահատող հանձնաժողովի 09.10.2019թ-ի թիվ 3 արձանագրության 7-րդ կետի համաձայն գնահատող հանձնաժողովը որոշել կասեցնել նիստը և Կոնսորցիումին տրամադրել է է 3 աշխատանքային օր արձանագրված անհամապատասխանությունները շտկելու համար:

Սահմանված ժամկետում Կոնսորցիումը շտկել է արձանագրված անհամապատասխանությունները և համապատասխանփաստաթղթերը ներկայացրել է գնահատող հանձնաժողովին:

Մասնավորապես՝ ֆինանսական միջոցներ որակավորման չափանիշի մասով Կոնսորցիումի կողմերը 06.09.2019թ-ին կազմել են 05.09.2019թ-ին կնքված համատեղ գործունեության պայմանագրում փոփոխություն և լրացում կատարելու մասին համաձայնագիր հետևյալ բովանդակությամբ. «Համատեղ գործունեության 05.09.2019թ-ի պայմանագրի թիվ 1 կետի (պայմանագրի առարկան) 1.2.1 ենթակետում «Գործընկեր-1» «Մասնագիտական փորձառություն» բառերը հանել: «Ֆինանսական միջոցներ» բառերից հետո լրացնել 10 տոկոս բառերով»:

«Համատեղ գործունեության 05.09.2019թ-ի պայմանագրի թիվ 1 կետի (պայմանագրի առարկան) 1.2.2 ենթակետում ավելացնել ֆինասական միջոցներ «90 տոկոս» բառերը»:

Գնահատող հանձնաժողովը 04.11.2019թ-ին թիվ 3.1 արձանագրության 7-րդ կետով որոշել է չդիտարկել պայմանագրում փոփոխություններ և լրացումներ կատարելու մասին համաձայնագիրը և Կոնսորցիումի հայտը գնահատել է անբավարար:

2. ԲՈՂՈՔԻ ԻՐԱՎԱԿԱՆ ՀԻՍՔԵՐԸ ԵՎ ՀԻՄՆԱԿՈՐՈՒՄՆԵՐԸ:

Գտնում են, որ արձանագրությունը կազմված է ՀՀ գործող օրենսդրության և ՀՀ կառավարության 2017 թվականի մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի (այսուհետ՝ Կարգ) պահանջների խախտմամբ:

«Գնումների մասին» ՀՀ օրենքի 30-րդ հոդվածի 6-րդ մասի համաձայն՝ մասնակիցները կարող են զննան գործընթացին մասնակցել համատեղ գործունեության կարգով (կոնսորցիումով): Համատեղ գործունեության կարգով գնումների գործընթացին մասնակցության կարգը սահմանվում է հրավերով: Նման դեպքում՝

- 1) հայտը ներառում է նաև համատեղ գործունեության պայմանագիր.
- 2) հայտի գնահատման ժամանակ հաշվի են առնվում համատեղ գործունեության պայմանագրի բոլոր անդամների միասնական որակավորումները.
- 3) մասնակիցները կրում են համատեղ և համապարտ պատասխանատվություն.
- 4) համատեղ գործունեության պայմանագրի կողմը (կողմերը) չի (չեն) կարող նույն ընթացակարգին ներկայացնել առանձին հայտ (հայտեր):

ՀՀ քաղաքացիական օրենսգրքի 1026-րդ հոդվածի 1-ին մասի համաձայն՝ համատեղ գործունեության պայմանագրով երկու կամ ավելի անձինք (մասնակիցները) պարտավորվում են միացնել իրենց ավանդները և առանց իրավաբանական անձ կազմավորելու գործել համատեղ՝ շահույթ ստանալու կամ օրենքին չհակասող այլ նպատակի հասնելու համար:

ՀՀ քաղաքացիական օրենսգրքի 436-րդ հոդվածի 1-ին մասի համաձայն՝ պայմանագիր է համարվում երկու կամ մի քանի անձանց համաձայնությունը, որն ուղղված է քաղաքացիական իրավունքներ և պարտականություններ սահմանելուն, փոփոխելուն կամ դադարելուն:

ՀՀ քաղաքացիական օրենսգրքի 437-րդ հոդվածի 1-ին մասի համաձայն՝ քաղաքացիները և իրավաբանական անձինք ազատ են պայմանագիր կնքելիս:

ՀՀ քաղաքացիական օրենսգրքի 466-րդ հոդվածի 1-ին մասի համաձայն՝ պայմանագրի փոփոխումը և լուծումը հնարավոր է կողմերի համաձայնությամբ, եթե այլ բան նախատեսված չէ օրենքով կամ պայմանագրով:

Վերը նշված իրավական նորմերի համակարգային վերլուծություն և սույն գործի փաստերի լույսի ներքո կարելի է արձանագրել, որ

1. «ՀԱԷԿ» ՓԲԸ-ի կողմից հայտարարված «ՀԱԷԿ-ԲՄԱՇՁԲ-1/19» ծածկագրով ընթացակարգին մասնակցելու նկատառումներից ելնելով կողմերն օրենքով սահմանված կարգով 05.09.2019թ-ին կնքել են համատեղ գործունեության (կոնսորցիումի) պայմանագիր:
2. Առաջացած անհրաժեշտությամբ պայմանավորված՝ 06.09.2019թ-ին կողմերը համապատասխան փոփոխություն են կատարել պայմանագրում:
3. Կարգով սահմանված ժամկետներում գնահատող հանձնաժողովի կողմից մատնանշված անհամապատասխանությունները շտկել և համապատասխան փաստաթղթերը ներկայացրել են գնահատող հանձնաժողովին:

Գնահատող հանձնաժողովը, ցուցաբերելով սուբյեկտիվ մոտեցում, չի դիտարկել պայմանագրի փոփոխությունը և որպես հայտը անբավարար գնահատելու իրավական հիմք նշել է Կարգի 48-րդ կետի 2-րդ ենթակետը:

Իրավահարաբերության ծագման պահին գործող խմբագրությամբ Կարգի 48-րդ կետի 2-րդ ենթակետի համաձայն՝ առաջին տեղն զբաղեցրած մասնակցի կողմից արձանագրված անհամապատասխանությունը սահմանված ժամկետում չչտկելու դեպքում հանձնաժողովի որոշմամբ հայտը մերժվում է, և փաստաթղթեր ներկայացնելու պահանջ է ներկայացվում հաջորդաբար տեղ զբաղեցրած մասնակցին:

Վերը նշված նորմի տառացի մեկնաբանությունից հստակ երևում է, որ գործադիրը սահմանում է կոնկերտ վավերապայման, որի առկայության պայմաններում միայն գնահատող հանձնաժողովին իրավունք է վերապահվում մերժելու մասնակցի հայտը և այդ հանգամանքը բացառապես պայմանավորված է մասնակցի կողմից նշված անհամապատասխանությունները չշտկելու հետ:

Սույն գործով Բողոքաբերի կողմից շտկվել են անհամապատասխանությունները, սակայն գնահատող հանձնաժողովը չի դիտարկել ներկայացված փաստաթղթերը, ինչը հաստատվում է հենց բողոքարկվող արձանագրության 7-րդ կետի ուսումնասիրությունից:

ՀՀ Սահմանադրության 59-րդ հոդվածի 1-ին կետի համաձայն՝ յուրաքանչյուր ոք ունի տնտեսական, ներառյալ ձեռնարկատիրական գործունեությամբ զբաղվելու իրավունք: Այս իրավունքի իրականացման պայմանները և կարգը սահմանվում են օրենքով:

ՀՀ քաղաքացիական օրենսգրքի 2-րդ հոդվածի համաձայն՝ ձեռնարկատիրական է համարվում անձի ինքնուրույն, իր ռիսկով իրականացվող գործունեությունը, որի հիմնական նպատակը գույք օգտագործելուց, ապրանքներ վաճառելուց, աշխատանքներ կատարելուց կամ ծառայություններ մատուցելուց շահույթ ստանալն է:

Տվյալ պարագայում Բողոքաբերը շահույթ ստանալու ակնկալիքով մասնակցության հայտ է ներկայացրել, սակայն գնահատող հանձնաժողովի ոչ իրավաչափ գործողությունների արդյունքում զրկվել է այն նյութական բավարարման հասնելու օրինական հնարավորությունից, ինչի ակնկալիքով վերջինս մասնկացել է Պատվիրատուի կողմից հայտարարված գնանշման հարցմանը:

3. ԲՈՂՈՔԱԲԵՐԻ ՊԱՀԱՆՔ

Հաշվի առնելով վերոգրյալը և ղեկավարվելով Օրենքի 46-րդ և 50-րդ հոդվածների դրույթներով գնումների հետ կապված բողոքներ քննող անձին

խնդրում եմ


պարտավորեցնել «ՀԱԷԿ-ԲՄԱՇՁԲ-1/19» ծածկագրով գնահատող հանձնաժողովին դադարեցնել 04.11.2019թ-ին թիվ 3.1 արձանագրության 7-րդ կետը և ընդունել «Հատուկ էներգամոնտաժ» ՍՊԸ և «ԻնտերԴորՍերվիս» ՍՊԸ կոնսորցիումի հայտը բավարար գնահատելու և ընտրված մասնակից հայտարարելու մասին որոշում:

ԾԱՆՈԹՈՒԹՅՈՒՆ: Բողոքը բավարարվելու դեպքում խնդրում եմ Բողոքաբերի կողմից նախապես վճարված 30000 ՀՀ դրամ բողոքարկման վճարը հետ փոխանցել «Ինելկոբանկ» ՓԲԸ-ի թիվ 205032200318 հաշվեհամարին:

Կից ներկայացնում եմ

1. Բողոքարկման վճարի անդորրագիրը.
2. Գնահատող հանձնաժողովի 04.11.2019թ-ի թիվ 3.1 արձանագրության պատճենը.
3. Լիազորագիր.
4. Թիվ 1898 արտոնագրի պատճենը.
5. Նույնականացման քարտի պատճենը.
6. Պետական միասնական գրանցամատյանից քաղվածքի պատճենը
7. Տնօրենի անձնագրի պատճենը

ԲՈՂՈՔ ԲԵՐՈՂԻ ՆԵՐԿԱՅԱՑՈՒՑԻՉ
ԳՈՌ ԳՐԻԳՈՐՅԱՆ



11.11.2019թ.